

РУСКИ НОВИНИ

Dr. I. Đ. Višošević, rektor grkt.
Zagreb 8. g.
sjem.

„Руски Новини“ виходза кажди тидзень. — Предплата на рок 60 Дин.
Адреса: „Руски Новини“ Р. Керестур.

ЗА РУСИНОХ У ЮГОСЛАВИИ

Видава: Руске Нар. Просв. Дружтво
Редактор: Мнх. ФНРАК.

Найважнейши висти.

ЗАВАРТИ БОЛЬШЕВ. МАРШАЛ.

Недавно дал Сталін заштреліц маршала большевицкогo войска Тугачевского од страху, же вон роби проци Сталіновой диктатури. Тераз заш дал Сталін заврец другого маршала Ђорова. Пре людске око и Ђоров придве на суд, але ше уж напредок зна, же муши буц осудзени, бо така воля Сталіна. Ми уж нераз писали, же у большевицкох не вредви чловечи живот ані тельо кельо живот едней кури.

ПОТОПЕНА ЕСПАНСКА ЛАДЯ.

Большевици торпедовали еспанску вoснy ладю „Балеарес“. Од воякох спасли ше лэм дас 200, а коло 600 не сцели ше спашиц на англійскей ладі и нашли шмерц на дну моря.

КОНЕЦ ЕДНОГО ПРОЦЕСУ.

Ище влоні на яр пришло у валале Вайска у Бачкей до немирох пре квартал римокат. двияка. Биров Василий Ушчумвич не дал ше новому двиякови уселіц до його квартеля. Теди вецей людзи нападли на бирова, а на його обрану станул Михайло Ёрубашич, котри бул у тей борби забити. Оскаржени були дваец земділцох соз Вайски, а и сам римокат. парох Вайски о. Юрич. Тераз суд у Сомборе осудзел Винка Шувака на 15 роки за убойство Ёрубашича, а других 6 оскаржених по рок гарешту. Пароха Юрича суд ошлебодзел, бо ше доказало баш процивно, цо му ше предруцовало: Вон не лем же не нагварял нікого на борбу, але ише и мирел людзох.

УМАР ХОРВАТСКИ МИЛИЯРДЕР.

У главним бразилским варошу Буенос Айрес умар Михо Миханович, найбогатши чловек у южней Амери. Вон бул власник коло 300 ладзох. Родзени е у валале при Дубровнику, котрому за живота даровал 8 милиони динари. Його цело будзе привезене до родзеного валалу.

ЗОС ПРОЦЕСА У МОСКВИ.

О процесу проци большевицких преднякох Бухарина, Ягоди, Крестинского, Рикова вельо ше пише у шицких новицох. Большевицки суд по розказу Сталіна сцешеліак присиловац оскаржених, да признаю, же були шпийони цудзих державох (Немецкей и Японскей). Бухарин, бдльшевицки филозоф, признава же робел проци Сталіна, але шпийон не бул нічиї. Слично ше брані и Крестински, док други як на команду признаваю шицко, цо им Сталін предруцел. То уж повзате, же на тнх большевицких судах оскаржени признаваю шицко, цо лем суд сцешел. Каждому ясно же то не суд, але обична Сталінова комедия.

НОВА ОФЕНЗИВА У ЕСПАНИИ.

На фронту при Теруелу генерал Франко почал 9. марта нову вельку офензиву проци большевицкох. На фронту длогоким 120 км. напредовало народне войско од 20 км. у Валенсий. Офензива успишно далей напредуе.

Пребудитель нашого народу.

Гоч руски народ тераз своей власней держави нема, але ипак е познати и поштовани у цалим швеці, бо е вельки и културни народ, а цо найважнейше: свидоми е сам себе, своїх правох на самостойни живот, за котри ше вше борел. И остатні раз по войны у кирвавих борбох з Москалями и Поляками од 1918. до 1920. року за шлебоду зос безприкладним геройством доказал заш швету, же вон сцешел да будзе свой пан на своей жеми, да будзе ровни з другима велькими народами и же муши мац свою силну и вельку державу.

Шицко тото роби една непобидима сила у нашим народзе, цо ше вола: народна свидомост, прешведчене о тим, цо зме и цо сцеме и цо нам припада. А же тота национална свидомост нашого руско-українского народа нешка така моцна, така розвита, у тим найвекшу и першу заслугу ма наш народни пребудитель, славни наш поет Тарас Шевченко, котри ше родзел 9. марта



1814., а умар 10. марта 1961. року. Тих днзох спада рочніца його родзения и шмерци и тераз шицок наш народ, дзе вон лем же чи у Оцовщини дома, чи у цудзих крайох як цо ми, спомина ше того нашого национального пребудителя з найвекшим поштованьом. Нет ані едней новини на нашим язикy, котра би тераз о нїм не писала та ше го мушиме спомнуц и ми.

Заслуга Тараса Шевченка.

Не бул Шевченко славни генерал, котри би преславел наш народ у вельких биткох, не борел ше вон зос шабло и пушкy, але зос с л о в о м, зос бешеду. Бул поет, цо писал писні у котрих представлял нашу славну историю, наших вельких лодзох, князох и гетьманох и поволовал Русинох, котри як да були заспали у ярму Полякох и Москальох, да ше пребудза, да ше боря за свою шлебоду, за свойо права. А дал Бог Тарасови таки вельки дар, же його слова як слова пророка лапали шицких за

шерцо, потресали з дуну, запальовали шерца, дзвигали лодзох, котри у народним погляду були скоро уж як мертви, да ожило за свой народ. У його писньох ест така велька вира у своей руски народ, и таки гнїв на тих, цо нас прицискало и на самих тих Русинох, цо мирно патрели, як ше наш народ трапи и препада, же у каждого Русина, кед тоти писні читал, мушела ожити искра лобови за свой народ, И наисце дзе лем Шевченково писні пришли робели вони революцию у дуцох. Не лем на Украйни, цо була под Москву, але и у Галичини. Под впливом синого духа Шевченкового почало ше народне пребудзене цалого нашого народу. Вон вола:

Ставайте, кайдане порвите,
и вражою злою кровю волю
(шлебоду) окроните!

А народ го слухал! Уж пред войну у Русии була свидомост нашого народу така моцна, же царска влада мушела силом браніц писац и друковац кнїжки и новини на украинским язикy. А на Шевченковим гробе у Каневу при Києве над Днїпром, на котри приходзели лодзе з цалей Украйни, да ше поклоня духу велького пребудителя, поставели Русове воякох, да лодзох од гроба одганяло. Бали ше и мертвого.

Дармо то робели. »Не сцешел души живої и слова живого« — учел Шевченко и так ше стало. Нешка наш народ таки моцни и тварди у своей народней свидомости, же ше швет тому чудуе, лобов гу свойому отечеству, гу свойому народу така велька, же то лем питане рокох, кеди будземе там у Оцовщини цалком шлебодни у своей власней хижи, у своей Держави.

А темелі и то незрушими темелі за тото поставел наш вельки пребудитель Тарас Шевченко. Зато му слава и чесц медзи нами будзе тирвац до века. (мф.)

ПОЖИЧКУ НА ДЗЕЦИ ФРАНЦУЗКА ДУМА ЗАВЕСЦ

бо Французи дзеци не сцешел мац и пред французку нацию стої страшидло бизовней шмерци. Зато дума влада каждей младей пари дац 5.000 франки пожички. Кед ше народзи перше дзецко держава даруе штварцину пожички, друге заш штварцину, а кед ше народзи штварте пожичка будзе сплацена. Наисце жалосни народ, кед ше на таки способ дума отримац. Але зато у Французкей уж 70 роки не уча у школи катакиз! Вец не чудо.

Кажди народ препада физично и тілесно, кед ше погуби морално, душевно, кед ше отаргнє од Бога и влада ше лем по своим розуме. А тот чисти людзки розум то наисце не розум, але проста похота цела, пожадане очох. И кед чловекови едини циль живота задоволіц свойо тілесни похоти, кед вон до нічого не вери и ніч инше не признава, не поштуе, вец муши йому присц жалосни конец, таки, яки тераз предстої французкей нациї.

Ювильей „Просвити“ у Львове.

Того року преходзи 70 роки, як основана у Львове „Просвита“. То було 8 децембра 1868 року. Наш народ ше находзел на рубу націоналней препасци. Але го „Просвита“ збудзела зос сну и вона ше старала през цали час, да очува душу Нашого Народу чисту и здраву. И дзекуючи „Просвита“ наш народ ше, слава Богу, не претопел до цудзих народох, але постал свидома нация. „Просвита“ видала велі кнїжки як за школу так и за дзеци, а найвещей за свойо члени, у яких то кнїжкох на популярни способ поучує народ у шицких галузох, науки и знаня.

Як народ полюбел „Просвиту“ видно з того, же уж до шветовой войны було 2.700 читальні, котри по цалей Галичини дзвигаю культуру та розсадзую нашу націоналну нашу націоналну думку.

По войны „Просвита“ почала живше свою роботу, так же нешка ма „Просвита у Львове“: 82 филі та 3.071 читальні. Матирне товариство ма 32.293 членох, а читальні маю 275.324 членох. При читальных вст 1.086 шпивацких хорох зос 22.720 членами; вст 2.016 драматско-аматорских гурткох зос 40.320 членами; 800 самоосвитних гурткох „Молодей Просвити“ з 20.000 членами. У читальных ше чита на глас кнїжки и часописи, з чого хаснує коло 700.000 людзох. Председателями читальных е 2.305 селянох, 572 священикох и 194 инших званьох.

Дїяльносц и благодат „Просвита“ ше указала не лем на духовей вредносци и сили народу, але тиж у господарско-економским живоче; бо шицки господарски и економски установи вирости под кридлами и на духовим ґрунту „Просвита“. Дзекуючи свидомосци, на котру „Просвита“ подзвигла наш народ, нешка у Галичини вст 3.097 кооперативи зос 523.776 членами, а „Ридна Школа“ ма 91.300 членох.

Шмело ше шме повесц, же „Просвита у Львове“ в перше и найхасновитше нашо народне дружтво. Да не була вона основана то-

му 70 роки не було би нешка алі єдного нашого руско-українского дружтва. Бо шицки наше дружтва культурни, господарски и национални є духово дзеци „Просвита“

Прето нешка у ювильейним 1938 року склоньме нашо глави пред шицкими успіхами „Просвита“. Бо вона є прави творец нашого народного живота. („Думка“.)

Нови Сад.

Забава „Дилетантскей секциї новосадскей читальні“. — Як и каждого року дотераз, так и того, може ше повесц, як по традициї дня 27. II. т. р. „Дилетантска секция“ нашеї читальні дала свою забаву.

Скорей як цо преїдзем на програму, мушим похваліц даскеліх школярох, котри бизовно вельо труду уложели да створа таку програму забави яку до тєраз новосадска наша публика не видзела; и то: Була Силвія, цо зложел барз успишну франтовну сценку (монолог) „Путешествие бачика Дюри до Варадина“, хтору сам и вивед за време єдней павзи, Павич Любомира, котри так крашне вимальовал бину, а особено стари замок и то у правим замковим стилу, и Ерделі Янка, цо режирал давани фалати.

На програми були три франти од по єдней дїи и то: 1) „Ох, тота швекра“ од М. Широли (преведол М. Б. К. К.) франта на своїм месце, а особено ше одликує гевто место зос духами. 2) „У адвоката“ (преведол Я. Ерделі) франта з нашого живота. У тей франти може ше крашне видзиц яки маю хасен людзе, котри ше гоч прецо судза. 3) „Хор у Кукучинох“ (преведол Люб. Павич) исто франта зос нашого живота, а приказує кельо вредзи єдна нула кед ше допише ту давней нумери и вец цали валал ма пре ню бригу.

У шицких трох франтох глума була барз добра. Требало гледац хто лепше бави чи Л. Венчельовски, чи Люб. Павич, чи С. Буїла, чи Я. Ерделі — єдним словом шицки бавяче були барз добри. Бавели: Л. Венчельовски, К. Колєсар, Ю. Колєсар, Люб. Павич, С. Буїла, Я. Ерделі, В. Стрибер, Я. Сабадош, Дю. Варпа и Я. Голуб.

Крем тих точкох на програму були на початку и на краю забави шпивани франтовни писні у хторих вишмивовано нашо месни обставини. Шпивали у дуєту Я. Ерделі и Люб. Павич.

Интерес за тоту забаву бул барз вельки. Успих у каждым погляду барз добри.

По моїм думаню тоти франти требало би да видза и други нашо валали.

Янко Седмогорски

ТІЛЕСНА КАРА.

Мачка з дзевец хвостами вола ше корбач, цо ше з нїм у стари времена корбачовали осудзених и Енглескей. З тим обичаєм ше уж давно престало. Але тих дньох пакосни а богати паньски легине у Лондону покрадли єдного златара. Судия пренашол, же найлєпше будзе, да и тих паньских легиньох осудзи не лем на цемніцу але и на корбачованє. Ридко ше случело, же би дахто дараз витримал вецей як три корбачи нараз. Тоти млади толває мали невіднаку натуру. Єден витримал шицки 15 корбачи на раз, а други не мог ані патриц, як му пайташа з чудним виргасом милую. Влапел го фрас.

Тиж читаєме, же ше и у Америки на судзе здогадали давного обичаю: злодійох и толвайох почали штрофац з виргасом. Судийове прешведчени, же то за челядз барз добри лїк.

ПОЖИЧКИ КООПЕРАТИВОМ.

Поштова Каса будзе давац кооперативом — задружним касом — туні пожички по 3% и то до половки тей суми, цо ю задруги придали Аграрней Баки як землєдїлски длуства. На приклад: кед єдна кооператива придала Аграрней Банки 100.000 землєдїлских длуствох, може достац од Поштовой Каси 50.000 Д. пожичку зос 3 по сто интересу. Пожичку буду задруги виплацовац зос тим пенєжом, цо достаню од Аграрней Банки як одплату землєдїлских длуствох. Добра то ствар лем нашо кооперативи треба да то вихасную, кед им кредит потребни.

Значенє християнства за руски народ.

Християнска Церква принєсла Русином свою организацию, свойо закони и давала приклад, як треба ушориц и явни и приватни живот народа. На чолє рускей церкви стал митрополит, котрого виберали руски князи, а цариградски патриарх лем го потвердзовал. Церква була єдна за шицки руски племена, вшадзи була єдна управа, єден закон, єднаке служенє и зос тим церква творела єдинство шицких руских племенох, помагала, да ше створи єден народ од вецей племенох.


Найвекше значенє мало християнство у моралним погляду. Воно принєсло цалком нову науку, нови погляди на живот, на людзох, на одношенє народу гу державним власцом, учело, же державляне длужни княза слушац а княз муши буц праведни и муши ше старац за своїх гражданох. Далєй церква учела, же людзе шицки пред Богом єднаки, а медзи собу шицки браца, же насилство и неправда зробена другому то не лем зло, але и грех пред Богом и держава тиж длужна кажде безаконїє карац. Виступала далєй церква проци невольництва, проци самоволї газдох зос слугами, отцох зос дзецми, проповидовала милосердиє и любов гу шицким; а особено тим, цо су у нужди, у биди, охабени, широти. Такширела християнска вира и у нас як и вшадзи правдиву просвиту, дзвигала руски народ.

МОНАСТИРИ.

Розуми ше, же ше християнска наука у цалосци помалу лем примала у душох поганских Русинох, але такой по приятку Христовеї науки явели ше у нашим народзе велі вельки души, цо ше цалком Богу посвещели, охабляли швет и його спокуси и бриги и ишли до манастирох, да там лем за Бога и за свою душу жию.

Тоти „Божо людзе“ почали закладац манастире, а найпобожнїйши жили у пещерох коло Києва на берегу Днїпра. З временем коло тих пещерох постал славни на цалу Руску жем манастир Печерска Лавра, котри и нешка постої, лем ю большевици пременели на якиш музей. Печерску Лавру, до котрей ходзел и наш народ през столїтя на одпуст у проце-

поставали школи, ту ше писали и преписовали кнїжки, ту ше почали писац и перши историй руского народу, цо их теди волали „літописи“. Да не було тих монахох, цо нам у своїх літописох позаписовали важни подїї з нашеї прєшлосци, ми нешка о старей киевскей рускей держави барз мало би знали. Не знали би зме, дзе нам корєнь и яки нам були нашо



Печерска Лавра у Києве.

сийох з найдальших крайох, основали двоє святи пустиножителє монахи Теодозий и Антоний. Понеже вони жили у пещерох волаю ше „печерски“.

ПРОСВИТА.

Руски манастири були не лем место, дзе ше Богу служело, але постали вони жридла просвити за цали народ. Бо при манастирох

предки. Тиж перши шпиталі и широтинци основали монахи при своїх манастирох. И медзи князями находзели ше святи людзе, цо жили святим животом як на приклад синове Владимирово Борис и Глїб, цо погинули у борби з братами и були прєглашени святима.

И самого Владимира християнска вира цалком пременела. Скорей вон бул строги,

груди и улівали кожному дзеку до танцу; бо ше и сами граюци мишали зос танцошами.

На вечери отримани вельо красни бешеди: п. староста о. Буїла привитал у мену п. млодого шицких госцох. По обряду старостовства зажадал по старостови и п. Видавец Будински зос Керестура младацем шицко добре, же би од нїх Бог оддалел шмерц, предложел им красни живот, на многая літа!

Отримали бешеди: срески началник о важности фамелиї як основи дружтва и держави и виказал своєю чувства, кед слуха нашо прави славянски жалобливи шпиванки, бо аж як да видзи нашу стару дідовщину у Карпатох. П. срески подначелїк Др. Винаї не мог скриц своєю радост, же може у тим свойству на такей красней свадзби завинчовац п. новтарушови як Русин Русинови трайне щесце у його малженстве. П. биров Емил Буїла од щирого шерца винчовал своєю новтарушови и завершел: а до рока дай Боже пророка! У мену Немцох отримал бешеду евангелички коцурски парох Гинкел на немецким язїку своєю винчованку младацем и закончел зос тройним: гох, гох, гох! И по другираз ше дзвигнул п. Срески на бешеду. Похвалел нашого пана новтаруша як чиновника и замодлял го, най так далей настави хасновиту роботу за народ без розлики за добро общества и отечества. Бешеди закончел наш стари п. с. декан Абодич зос шалївим представаньом, цо о Коцуре и о коцурскей новтарушї буду писац „Руски Новини“ як дзенїк о 50 роки. Своєю шалїву бешеду закончел, же би могли танцоше и потанцовац, итд. а наших младаццох най Господь Бог поживи.

По молитви при столе полапали ше танцоше до кола, чардану, валцера, танга, ванстепу и т. д. и не попустили у своім добрим розположеню до самого рана.

Коцур ше цигурно будзе длуго и длуго здогадовац, яку то свадзбу мал його Русин новтаруш. И кед би така еднодушност у Коцуре медзи Русинами. Немцами и Мадярами, яка ше указала на тей свадзби, наставела и у будуще, не о дълга би наш Коцур и заш поспигнул своєю стару злагоду у валале и ступел до першого шору напредних валалох.

Вельо овиши о нашим новтарушови и и шицки му жичиме тельо щесца и успиху у його роботи, же би нас, гоч зме коцурци, могол ведїо затримац. Зато най нам го Бог укрїпи и потпоможе йому и нам на хасен, на многая літа! Коцурец.

ШИРОМ ШВЕТА

Гитлер до Риму придзе на 5. мая баш на дзень, кед Талияне 1936. року заняли абессински главни варош Адис Абебу. Тому приходу Гитлера до Риму даваю политичаре вельке значене.

Английски краль зос кралїцу ма нацивиц службено Французку у мешацу юну. Уж од тераз ше Париз приправя, да цо красше дочка наймоцнейшого владара на швец.

О войны дал вяву чехословачки предс. Бенеш, же вон не вери, же би шветова война була блїзка але за кажди случай Чехословацка приправена на своєю одбрану. — Слабо би ше Чехословацка обранела, кед би ю даедна велька держава нападла. За случай войны мали держави ше муша тримац вельких и од нїх помоц обчековац. То природни закон. Чехи ше звязали з найвекшими неприятелями мира и култури московскима большевиками, але од нїх помоци мац не годни, лем чкоди.

„Немецка воздушна армада непобидима“ — так ше хвалел Гитлеров генерал герїїг. Гайд, гайд! Так ше хвалел и цар Вилим на початку войны и баш тотя немецка пиха Немцом найвекшей почкоздзела. Прето ше проци нїх дзвигнул цали швет. Людзе несцу нїч од исторїї научиц, гоч воїна така ясна.

При Теруелу варошу еспанским, за котри ше длужей борели большевици и на остатку го ипак страцели, мали вони страшни утрати. Мертвих большевицох було 9.700, а залапених 16:300, 24 авїїони и 12 танки. У числу мертвих не ураховани тоти, котрих большевици сами поховали.

Сталин дал отровиц познатого московского писателя Максима Горького. Так твердзи

на судзе у Москви бувши шеф „Чеки“ Ягода. Вон признава, же розказал доктором, да Горького не вилїча, але да го трую, але робели то на жадање Сталина. — Чи вец не маю право тоти, цо твердза, же большевици то банда найгорших злочинцох, толвайох?

Жительство Немецкей буду того року пописавац и при тим будзе ше особено мерковац, да ше точно попише, кельо вст чистих Жидох, а кельо мишаних, а кельо чистих Немцох. Бо Гитлер поклада вельку важност на чистоту немецкей раси.

Турске наоружане. Од 249 милийони турских лирох нового турского бюджету 82 милийони пойдзе на воєни потреби. Точно третина!

Наврачала!

Андя Ката живє уж седем роки як гдовица и нїхто за ню немогол повесц ані єдно зле слово. Аж нараз вошло ей цошка до глави. Гоч ей уж штераец доходзело, андя ше надумала одац. Насправди одац. Баби сушеди ей уж и млодого нашли. Але и андя Ката ма свой розум. Знала вона добре же баба Явдоха Лопуцикова зна найлєпше врачац и єдного вечара просто їу ней на пораду.

— Та посовитуйце ме, андьо моя злата!

— О чом би не, прегварела їу ней вона поцихи, мило Явдоха. Махла зос главу на свойого сина Федора, да видзе зос хижї, а сама ше такой дала до врачаня. Зняла з под греди замасцени карти. пороскладала их по столе, пообрацала их, прекладала, раховала себе, а на конец гвари! „Люби це єден млади хлапец мали, чарняви, а не барз богати...“

— Та лем да будзе добри и да ме поштує, здихла себе андя Ката. Бо я капиталу мам свойого досц. И жеми мам и хїжу мам и швиїї забїєм, а и крави вельо млека маю. На остатнїм вашаре сом предала стару краву за петнацет динари, а скрила сом их на сподок до котляки под пирню. І платна мам натканого, шицкого мам“.

Але Явдоха як да и нз слухала ей хвалу и далей врачала. И гвари: „Ту карта указує же будзеце дакус и жалосни. Зли людзе ше коло Вас круца и покрадно вас“.

И закрусела ше глава андї Кати од тей врачанїи и шедзела озда и два годзин ище у Явдохи. На конец ше сетела же би дому поїсц и выбрала ше.

Придзе до двора, чув же дзверка од кармика шкрипя. Вона їу кармику, а прашецу ані шлїду. Бежи до комори, руца очи по комори, а там платна нет, и мешок зос житом не под драбину, а нет боме ані качици зос сиром.

Бежи до приклетя и шури руку под котлянку до пирнї, а там нїчовка. Почала лярмац, позбеговали ше сушеди, але цо зробиш в ноци.

Цали тидзень ходзела андя Ката, ламала з руками и нарикала „Ой правду ми гуторела Явдоха, чисту правду ми гварела“.

Учул то сушед Микола Бистрослави и гвари ей: „О андьо Като, але сце шалена жена. Та то певно же вас Федор Явдохов окраднул. Стара вам главу закрусела зос врачанїю, а ей добри син вас покраднул. То була красна догварка!“

Други дзень нашли сушеди у Явдохи Катова платно и сир. И Федор признал же вон покраднул. Зос швиїї остало ище дакус сланини и колбаси, а за пенєжи гварел Федор же уж нема з нїх ані динар и гибаль за нїх лем у гаришту одшелзи.

Вельо страцела андя Ката так же ей и одаванка зос глави вишла. Тераз ше и сама прешведцела же шицки тоти мудерци и врачарки звичайни злодїє, котри здуря глупого человека, а вецка го окрадно. Людзе з андї Кати дакус шмих робели, але од тераз нїхто не ходзел до Явдохи на поради.

Предавам камень за млец конопу зос шицким цо ту спада ва тунї пенєж. — СИМЕОН МИТРОВ, Миклошевци

Наша Держава

„УРЕДБУ О ОСИГУРАЊО ЗАШИВОХ“ у Дунайскей бановини министерство потвердзело и кажди земледїлец будзе присиловани плациц кажди рок якуш суму за осигуране своїх зашивох од ляду и води.

ЗЕМЛЕДІЛСКА КОМОРА у Новим Саду выбрала за предс. Саву Вуїча зос Сенти и прияла свой бюджет. Треба да тотя комора почне цо скорей робиц, да ше видзи, прецо є основана.

ВИНО ПОДРАЖЕЛО. У наших крайох не мож достац доброго вина испод 4-5 Д. а так и у Далмацїї, дзе вино вше було нагунше плаци ше тераз 3 до 5 Д. за литру вина. Од лоньского року подражела и пожива за 30 проценти.

БУДЖЕТ ЗАГРЕБА виноши 248 милийони. Од тей суми найвекшей идзе на одплату варошких длуствох. Пред квитну недзелю отвори ше у Загребу велька Ярня тарговска и фабрична вистава.

БЕОГРАДСКИ НОВИНИ ДРАГШИ. Од 1. априла буду „Време“ и „Политика“ коштац 24 Д. мешачно (тераз 20 Д.) и недзельне число 2 динар. — Загребски дневоици уж давно коштаю 25—40 Д. мешачно и 1.50 по числу. Нашо „Руски Новини“ не дзвигаю предплату лем зато, бо маме своєю друкарню.

НОВИ ВЛАДИКА за Боку которску Пресв. Др. Осиф Буторац пошвечени є в недзелю 6. марта. Пошвечовали троме владицове: сплитски Др. Бонифачич, Дубровски, Др. Царевич и гварски Пушкич.

НАШО МУСЛИМАНЕ у Босней престрашели ше вистки, же Югославия направела з Турску догварку, о виселєню Туркох (з южной Сербїї) з Югославїї до Турскей. Але понеже нашо у Босней и Герцеговини не Турци, але Славяне та ше их тотя висельованє не тиче. Поготово вони як муслимане не маю цо гледац у терашней Турскей, бо Кемал наша цалком Турску пременел, модеризовал и зїищел вирски муслимански характер Турскей держави. О тей ствари вину муслимански новини „Муслиманска свїест“ так: „Ми босанскогерцеговски муслимане маме лем єдну домовину а то є Герцег-Босна и лем єдну народност, а то є хорватска“.

УМАР НАЙБОГАТШИ ПАРАСТ у Хорватским Загорю Франьо Кос. Його мавток цєня на два милийони, а понеже парастї у тим краю барз худобни зато Коса преглашели, ище за живота, же є найбогатши. Бул барз скупи.

ЗОС ЦАРСТВА ГРИХУ. Лем у єдним числу београдских новинох „Време“ находзиме тоти пахняци квецїки: УМАР ОД ПАЛЕНКИ Тихомир Ранкович у Младеновцу у Сербїї. Вон бул избрани за „предс. бекрийох“ (пїяніцох). — ЗАБИЛ ЖЕНУ, з котру жил на веру Петро Петров у Петровграду (Вел. Бечкерек). — ВЛАСНА ЖЕНА ПОДЖОБАЛА чекко своего человека бирова у Илїджи при Сараєву Саву Тошича, бо ходзел около и пил, а за дом не дзбал. — МАЛ ДВА ЖЕНИ, а сцекол до швета зос 17-рочним дзвїчетом байбер зос Шабцу Добривой Цвєїч. — ЗАБИЛ мужа жени з котру жил на веру и осудзени на 20 роки цемнїци полицай зос Скопля Осиф Вуїчевич. — КРАДЛИ ДЕРЖАВНИ ПЕНЄЖ уряднїци Порескей Управи у Кос. Митровици и тераз на судзе, баяко шицко тая и єден на другого хїбу руцаю. — То єто маме найсц лем у єдним числу таких новинох.

Спорт.

С. К. „Русин“ — С. К. „Лалить“ 4:3 (2:2)

В недзелю дня 27. II. 1938. року, одбавел наш спорт клуб „Русин“ змагане, против спорт клуба у Лалитю. Терен бул барз блаґняви, так же ше по нїм чекко ходзело. Но и на таким терену нашо шпорташе указали своєю знанє и уж у перши даскльо минути дали им 2 голи. Лаличане дораз вїедначели так, же ше полувреме одбуло з 2:2. У другим другим полувремени лаличане вѡдза зос 3:2, але ми дораз вїедначуєме. Дакус познїйше ми даваме ище єнен гол так, же ше змагане одбуло зос 4:3.

Голи дали Янко Мудри (2), Ал. Берон (1) Владимир Шовш (1).

В недзелю 13. III. у Керестуре одбудзе ше реванш змагане медзи С. К. „Русином“ и С. К. „Лалитьом“. Змагане почнє на 3 г. и 30 минути. — Вступ: 4, 2 и 1 динар. Берон.